

BOSNA I HERCEGOVINA

Brčko distrikt BiH

SKUPŠTINA

NEZAVISNI/NEOVISNI ODBOR ZA IZBOR

ŠEFA/VODITELJA POLICIJE I ZAMJENIKA

ŠEFA/VODITELJA POLICIJE



БОСНА И ХЕРЦЕГОВИНА

Брчко дистрикт БиХ

СКУПШТИНА

НЕЗАВИСНИ ОДБОР ЗА ИЗБОР ШЕФА

ПОЛИЦИЈЕ И ЗАМЈЕНИКА ШЕФА

ПОЛИЦИЈЕ

Mladena Maglova 2, 76100 Brčko distrikt BiH, telefon i faks: 049/215-516

Младена Маглова 2, 76100 Брчко дистрикт БиХ, тел. и факс: 049/215-516

Na osnovu člana 27 stava 2 tačke a) a u vezi s članom 40 Zakona o Policiji Brčko distrikta BiH („Službeni glasnik Brčko distrikta BiH“, broj 18/20 - prečišćeni tekst i brojevi 41/20, 6/21, 6/23, 3/24 i 26/25), člana 3 Uputstva o postupku izbora i predlaganja kandidata za imenovanje šefa Policije, zamjenika šefa Policije Brčko distrikta BiH i pomoćnika šefa Policije Brčko distrikta BiH, broj: 01.21-48-1575/25 od 1. augusta 2025. godine, te Odluke Nezavisnog odbora za izbor šefa Policije i zamjenika šefa Policije Brčko distrikta BiH o pokretanju postupka izbora i raspisivanju javnog konkursa za izbor zamjenika šefa Policije Brčko distrikta BiH, broj: 01.21-48-1581/25 od 5. augusta 2025. godine, Nezavisni odbor objavljuje

JAVNI KONKURS
za izbor zamjenika šefa Policije Brčko distrikta BiH

1. OPIS POSLOVA RADNOG MJESTA:

- a) zamjenjuje šefa Policije u vrijeme njegove odsutnosti;
- b) pomaže šefu Policije u izvršavanju poslova iz člana 22 Zakona o Policiji Brčko distrikta BiH;
- c) neposredno rukovodi poslovima Policije na operativnom nivou;
- d) obavlja i druge poslove i zadatke utvrđene Pravilnikom o unutrašnjoj organizaciji.

2. USLOVI ZA RADNO MJESTO ZAMJENIKA ŠEFA POLICIJE SU DA:

- a) je državljanin BiH;
- b) je zdravstveno sposoban za vršenje poslova i zadataka;
- c) ima najmanje VII stepen stručne spreme ili prvi ciklus visokog obrazovanja;
- d) ima status policijskog službenika i najmanje tri godine radnog iskustva u činu glavnog inspektora ili višem činu;
- e) nije pravosnažno osuđen za krivično djelo, osim za krivično djelo iz oblasti bezbjednosti saobraćaja počinjeno iz nehata;
- f) protiv njega nije pokrenut krivični postupak, osim krivičnog djela iz oblasti bezbjednosti saobraćaja počinjenog iz nehata;
- g) se na njega ne odnosi odredba člana IX 1 Ustava BiH;
- h) u vrijeme podnošenja prijave na konkurs ne ispunjava uslove za prestanak radnog odnosa radi penzionisanja propisane zakonom;
- i) nije član, niti je bio član političke stranke ili na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke ili član izvršnog ili zakonodavnog tijela na bilo kojem nivou, nakon stupanja na snagu Zakona o policijskim službenicima Brčko distrikta Bosne i Hercegovine ili odgovarajućeg

zakona koji propisuje prava i obaveze policijskih službenika u policijskom organu gdje je zaposlen u vrijeme prijavljivanja na konkurs;

j) nije pravosnažno disciplinski kažnjavao za teže povrede službene dužnosti.

Broj izvršilaca: jedan (1).

Platni razred: X.

3. DOKUMENTI, KOJI SE PRILAŽU U ORIGINALU ILI OVJERENOJ KOPIJI, KAO DOKAZ ISPUNJAVANJA USLOVA KONKURSA:

- a) prijava u kojoj kandidat opisuje na koji način ispunjava uslove konkursa;
- b) uvjerenje o državljanstvu, ne starije od šest mjeseci;
- c) uvjerenje o zdravstvenoj sposobnosti, ne starije od tri mjeseca;
- d) za potreban nivo obrazovanja, odnosno traženu stručnu spremu:
 - 1) diploma, a za kandidate koji su stekli diplomu po bolonjskom obrazovnom procesu i dodatak diplomi ili drugi dokument kao što je: uvjerenje, potvrda, svjedočanstvo i drugo, izdati od obrazovnih institucija u BiH;
 - 2) akt o nostrifikaciji diplome, odnosno ekvivalenciji za diplome stečene u inostranstvu;
 - 3) diploma ili drugi dokument kao što je: uvjerenje, potvrda i slično, koji su izdati od ovlaštenih obrazovnih institucija, a koji prema potvrdi nadležnog organa ne podliježu nostrifikaciji prema propisima BiH;
- e) uvjerenje, potvrda ili drugi dokument kojim se dokazuje status policijskog službenika;
- f) za radno iskustvo u traženom činu:
 - 1) uvjerenje, potvrda ili drugi dokument o dužini radnog iskustva u traženom činu, ovjereni od strane poslodavca, zajedno s ovjerenom kopijom radne knjižice;
 - 2) potvrda nadležnog penzijskog osiguranja ili drugog nadležnog organa;
- g) uvjerenje o nevođenju krivičnog postupka, ne starije od tri mjeseca;
- h) ovjerena izjava da se na njega ne odnosi odredba člana IX Ustava BiH;
- i) uvjerenje, potvrda ili drugi dokument od poslodavca da u vrijeme podnošenja prijave na konkurs ne ispunjava uslove za prestanak radnog odnosa radi penzionisanja;
- j) ovjerena izjava da nije član niti je bio član političke stranke ili na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od političke stranke ili član zakonodavnog ili izvršnog tijela na bilo kojem nivou, nakon stupanja na snagu Zakona o policijskim službenicima ili odgovarajućeg zakona koji propisuje prava i obaveze policijskih službenika u policijskom organu gdje je zaposlen u vrijeme prijave na konkurs;
- k) uvjerenje, potvrda ili drugi dokument kojim se dokazuje da nisu izrečene pravosnažne sankcije za teže povrede službene dužnosti.

Napomena I

Kandidati su obavezni priložiti dokumente kojima dokazuju da ispunjavaju uslove konkursa.

Napomena II

Nezavisni odbor po službenoj dužnosti pribavlja uvjerenje o nekažnjavanju za predloženog kandidata.

Napomena III

Uvjerenje o zdravstvenoj sposobnosti dostavlja samo imenovani kandidat.

Napomena IV

Kandidati za radno mjesto zamjenika šefa Policije Brčko distrikta BiH mogu biti policijski službenici svih policijskih tijela u BiH.

Prijave na Javni konkurs podnose se na obrascima, koji se sastoje iz dva dijela („Prijava za mjesto šefa Policije / zamjenika šefa Policije / pomoćnika šefa Policije“ i „Obrazac o ličnim podacima podnosioca prijave“), a mogu se preuzeti u Stručnoj službi Skupštine Brčko distrikta BiH ili na web-stranicama www.skupstinabd.ba i www.policijabdbih.gov.ba, a iste se sa traženom dokumentacijom u zatvorenoj koverti predaju neposredno u pisarnicu Skupštine Brčko distrikta BiH ili dostavljaju putem pošte.

Prijave s potrebnom dokumentacijom iz tačke 3 ovog konkursa dostavljaju se na adresu: Skupština Brčko distrikta BiH, Ulica Mladena Maglova broj 2, 76100 Brčko distrikt BiH za Nezavisni odbor za izbor šefa Policije i zamjenika šefa Policije Brčko distrikta BiH, Javni konkurs za izbor zamjenika šefa Policije Brčko distrikta BiH, s naznakom „NE OTVARATI“.

Neblagovremene prijave neće biti razmatrane, nepotpune prijave će biti odbačene.

Javni konkurs će biti objavljen u Službenom glasniku Brčko distrikta BiH, na zvaničnoj internet stranici Skupštine Brčko distrikta BiH www.skupstinabd.ba i zvaničnoj internet stranici Policije Brčko distrikta BiH www.policijabdbih.gov.ba.

Rok za podnošenje prijava na Javni konkurs je petnaest (15) dana od dana zadnjeg objavljivanja.

Sve informacije u vezi s Javnim konkursom mogu se dobiti u Stručnoj službi Skupštine Brčko distrikta BiH – broj telefona 049/215-516, lokal 106.

Broj: 01.21-33-1583/25
Brčko: 05. 08. 2025. godine

Predsjednik Nezavisnog odbora
Vinko Vukić



